



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1740. usque ad annum 1742

Fleury, Claude

Augustæ Vindelicorum, 1787

VD18 90119649

§. 44. Sinzendorffius Cardinalis a Borusso Rege in Vicarium Generalem nominatus.

[urn:nbn:de:hbz:466:1-67882](https://nbn-resolving.org/urn:nbn:de:hbz:466:1-67882)

porum vicissitudine, & Ecclesiæ univer- Sæc. XVIII.
 salis necessitate tam solide vindicabat, A. C. 1742.
 ut Reginae plene satisfactum esset. Pau-
 lopost Eadem a summo Pontifice deci-
 mam partem ex bonis Ecclesiasticis a
 suarum ditionum Clero exigendi facul-
 tatem petiit, quod & Pontifex libenti
 animo concessit, atque in Apostolicis
 suis literis desuper datis ita prolocutus
 est: *In concedendis hisce suppetiis eo mi-
 nus cunctandum aut tergiversandum esse
 existimamus, quo acerbior dolore animum
 nostrum percellit calamitosa conditio dile-
 ctissimæ Filicæ nostræ Hungaricæ Reginae:
 Nil plane ardentius desideramus, quam ut
 brevi mutata fortuna Ejus rebus secun-
 dior adspiret aura.*

§. XLIV.

Sinzendorffius Cardinalis a Borussorum Rege in Vicarium Generalem nominatus.

Haud diuturna, nec molesta erat Sinzendorffii captivitas; quippe ipsemet Fridericus Borussiae Rex die decima octava Aprilis misso ad eum Comite de Podewils Administro Regio, eidem nuntiari iussit, ut plenæ libertati redditus, durante bello, e Silesia emigraret, ac interim Viennæ subsisteret. Accepto hoc Nuntio Cardinalis Vratislaviam

L1 5 con-

Sæc. XVIII.
A. C. 1742.

contendit, grates repensurus Regi, quo etiam perhonorifice exceptus cum ipso Rege prandium sumpsit: postmodum vero rupta omni mora Viennam contendit, ubi etiam die tertia Maii prospero itinere advenit, atque usque ad finem anni prioris finem substitit. Dum vero Maria Theresia in Hungariæ Regnum inaugurata fuerat, Sinzendorffius huic solemnitati interesse noluit, ne obsequio prærogativam cum aliis Præfatis atque Imperii Principibus collideret. Postquam vero die septima Novembris Rex a Silesiis Ordinibus fidei homagium exceperat, ipse etiam per suos Deputatos Regi idem obsequium præstitit, & de ejus gratia tutus, die quinta Junii Vratislaviam, & inde Berolinum ad Regem profectus est. Excipiebatur modo singulari benevolentia, sed & numerum suorum Episcopaliū proventus usui restitutus est. Insuper Rex ad omnia Silesiæ Curias mandatum dedit, ut Cardinali omnes honorum titulos & prærogativas, quibus sub Austriacorum regimine potiebatur, pariter deferret. Nec hic stetit Regis favor erga Sinzendorffium Cardinalem, quem præterea quod sane mireris, Vicarium Germano-Catholicos per universas Borussiae regiones Mense Majo nominavit, sine

que publico proclamate omnibus Catho- Sæc. XVIII.
 licis præcepit. ut impofterum mandata, A. C. 1742.
 decreta, dispensationes &c. a præfato
 Cardinale reciperent, & omnes lites ac
 controversias fors inter se orituras, ab
 eodem decidi peterent, quin eas ad
 Papam quocunque in casu devolvent.
 Ipse vero Cardinalis de Regia hac bene-
 volentia summum Pontificem die deci-
 ma nona Maji datis ad eum literis cer-
 tiorem reddidit.

§. XLV.

*Idem Cardinalis a Papa Romam ci-
 tatus.*

Ea res Romæ magnorum motuum
 caussa erat, ac ipsemet Pontifex
 haud temere verebatur, ne exempli il-
 lecebra alios etiam Catholicos Princi-
 pes ad idem facinus induceret, sentim-
 que Pontificiæ auctoritati grave nullo-
 que remedio sanandum vulnus inflige-
 retur: quocirca præprimis Cardinalium
 Congregationem habuit, in qua serio
 hæc super re deliberaretur: postea apud
 Carolum Albertum Imperatorem suas
 querelas, malaque inde merito perti-
 nescenda gravibus oppido verbis expo-
 suit, eumque rogavit, ut tanquam sa-
 cræ Sedis Advocatus suam auctori-
 tem eo impendere velit, ut Sinzen-
 dorf-